



ASHOWIZON (GOOBID-19)

NIIGAAN INENDAN

Amii ono ge-izhichigeyamban giishpin giin gemaa awiya endaaayin GOOBID-19 inaapined endaaayin gemaa gidazhiikewining ani-baatiinowaad owe gaa-inaapinewaad.

Inendan niigaan ge-izhichigeyin:

- **Maawajitoon ge-aabajitooyin** (gegaa ango-giizis minik) ji-ayaayin gaawiin dash memwaach ji-zaaga'aman endaaayin giishpin aakoziyin.
 - Gego onzaam niibiwa adaaweken. Gii-maa'ishkaman, adaawen nawach giyaabi bangii dasing adaaweyin. Nawach da-minose owe izhichigeyin, gaawiin gaye aapiji gi-ga-gichi-jaaginigesii.
 - Ayaan niigaan gimashkikiiman gaa-aabajitooyin.
- **Awenen Ge-wiiji'ig** maagizhaa aakoziyin gemaa naagaji'ad awiya ge-aakozid gidinawemaagan. Daabishkoo owe:
 - Ayaaw awiya ge-ganawenimaawasod giishpin aakoziyin gemaa awiya aakozid.
 - Giishpin bami'adwaa awiyag, ayaaw awiya ge-naabishkaagiban.
 - Gagwejim gidoogimaam giishpin endaaayin ji-onji-anokiiyamban.
- Giishpin iwe GOOBID-19 aakoziwin dagoshinoomagak gidazhiikewining, **manaa-izhaan** gaa-izhi-baatiinowaad awiyag waasa ji-onji-naaniibawing. Daabishkoo owe:
 - Apii baatiinosigwaa awiyag izhi-maa'ishkan gaye ji-aabaji'ad bus
 - Agwajiing dazhi-gagwejiin gaawiin wiin gagwejiwigamigong
 - Ngoding awiyag aazhoo'iwewag iwe GOOBID-19 aanawi gaawiin gegoon inam-anmi'osigwaa. Giishpin gigishkaman aagwiingwepizon daabishkoo gaa-michi-ozhichigaadeg dinookaan (niizhweg bagwaaniiginong onji-ozhichigaadeg, ozhichigaadeg ji-aagawising gijaaning gaye gidooning gaawiin ji-baakiigising, gaye gitawagaang ji-izhi-naabising) gi-daa-aazhoo'aasiwag awiyag.

GAGANOOSH AWIYA

- Wiindamaw gidinawemaaganag giwijiwaaganag gaye besho gaa-daawaad enendaman waa-izhichigeyin.
- Naadamaadig ji-ganoonidiyeg, gemaa ji-ozhibii'amaadiyeg giishpin gego maajii-izhiseyeg.

GIKENDAN ENAKAMIGAK

- Gikendan aaniin enamanji'ong GOOBID-19 gii-inaapined awiya aaniin gaye ezhi-aazhoo'iding gaye aaniin ge-onji-aakozisiwamban.
- Mino-ayaawin Gaa-naagajitood ondinan gikenjigewin, gaye akiikaaning gaa-ayaawaad owe gaa-inanokiiwaad.
- Gego ganawaabandangen gaa-mazinaateseg giishpin onji-ojaanimendaman.





GE-ADAAWEYIN

MIIJIM

- Gaa-baateg maakanooni daabishkoo gaye waabishki-manoomin
- Ispagedii oginii-dagozekwaan
- Gaa-bikwaabikizhigaadegin miijiman
- Awakaani-miijim

BEKIZIWIN

- Giziindime'on
- Ikwewag gaa-aabajitoowaad
- Aanziyaanan
- Ziinskiigome'on
- Giziibiiga'igan
- Ishpodewaaboong gaa-onjiozhichigaadeg giziinigan 60% gaa-ayaamagak

MINO-AYAAWIN

- Gaa-dakwanjigaadeg
- Dewikwe-mashkikiwag (ge-aabajitoowaad gichi-ayaag gaye abinoojiyag)

GIZIINIGENG

- Gaa-webinindwaa giziinaaganag
- Gaa-zhaabobiisinogin mashkimodan
- giziinaaganewaabo
- Giziibiiga'igewaabo
- Gaa-aabajichigaadegin giziiniganan endaayin
- Ge-giziinigaageyin, gemaa, (5%) gaa-aakomaagwak giziinigan gaye ge-izhi-ziiginaman ji-atooyin nibi gaye.

GIIYAABI WII-GIKENDAMAN OWE AAKOZIWIN OMAA IZHIGIIGIDON:

1-833-784-4397 | canada.ca/coronavirus

ID 11-01-01 / DATE 2020.06.01